

& plūbo testatur inscriptio, quā, sub plus septua-
genario id loci Lutheranismō, in fracto altari,
cum alijs Reliquijs anno M. DC. XV. XIII.
die Mensis Octobris, Diuino beneficio reperit
postliminiō Parochus Catholicus cum Religi-
one sub idem tempus introductus. Eædem por-
rō Reliquiæ cum quibusdam alijs, de SS. Mar-
tyribus Achatio, Sulpitio & Aurelia, deque S.
Wolffgango à Reuerendissimo & Illustrissimo
Principe, ac Domino Ioanne Christophoro E-
piscopo Eistettensi anno reparatæ salutis
M. DC. XVIII. XXI. Maij, supplicatione indi-
ctâ comitantibus *Serenissimis Principibus* Populô-
que Neoburgensi, Feriâ secundâ Rogationum
in hoc templum S. Crucis & Omnium SS. dela-
tæ sunt: Qui benedicti in æternum & vltâ.

MAIUS.

III

SANFRIDVS ortus illustri Cliviorum DUCVM
sanguine, in Episcopum XVIII. *Vltraiecti-*
ne Ecclesiæ, miro omnium consensu eligi-
tur. Morum sanctitate, in primis que in DEVM
ac SUPEROS Religione, *se familiamque suam illu-*
strans, eius studium ut augetet, nobilissimum

Amersfordiense Coenobium ære suo liberaliter extruxit munificentissimèque fundavit: aliàque per Dioecesim suam Virginibus asceteria si non condidit, at certè sacravit; ouiculas sibi commissas identidem monens, vt pro peccatorum freno, metum Gehennæ cordi suo continuo inscriberent, & ad divini iudicij perpendiculum omnia librarent: quâ & ipse unâ gradiens, ac de virtute in virtutem ambulans *sancti* nomen decusque obtinuit, & multis ad sepulchrum (quod in Ecclesia Amersfordiensi sibi vivus statuerat) miraculis inclaruit. Quæ hæresi isthic grassante deleta quia me latent, de ijs hîc vel invitus tacere cogor, Divinæ providentiæ consilijs demissè ac patienter omnia committens. *Ex Chron. Ultraiect. & Buccellino.*

X,

ESSENDIA Provincia istius Caput Festo cultu prosequitur SS. COSMAM & DAMIANVM Martyres, quorum gladius istic sanguine rubens inter rara Lipsana monstratur. *Ex Ann. Perarij & sacro istius Ecclesie iudice.*

XI.

HEINSBERGA Iulæ non ignobile monumentum, magnum CHRISTI Athletam GAN-
GULPHUM

VULPHUM celebrem habet ex VARENNIS Maiorum pietate istuc translatum ægris, inquilinis frequens sanitatis asylon. *Ex Chart. Canoniorum.*

XII.

DUSSELDORPII in *principe Aede aduentus* S. PANCRATHI Martyris, qui nobili in Phrygia genere natus, ac *Rome à Pontifice baptizatus,* cū dijs sacrificare constanter renuisset, decem & quatuor annorum adolescens, virili fortitudine, *Dioeletiani & Maximiniani Imperatorum gladio cecidit, plus ex vulnere glorie quàm sanguinis profundens.* *Ex His. Eccles. & vita Divi.*

XII.

IN eodem tractu *Montano* sub idem tempus, vnerabilis IOANNIS de *Hericheim Cistertiensis* in *Veteri Monte Conuersi,* quem admirabilis demissio, labor assiduus, continua taciturnitas, studiūq; precationis, aliæque virtutes ita Deo comendabant, ut primus omnium, dignus habitus sit, cui B. ENGELBERTI vix consummatum *Martyrium* divinitus revelaretur. *Ex vita S. Engelbertus.*

XV.

SONSECA peruetusta *Clivie* vrbs, non Principe, sed suburbano eius in templo, patrocinium

cinium habet S. GERBERNI M. quem incolæ, & accolæ more maiorum constanti precipuôque honore colunt. *Ex Ann. Per. & Heimericij.*

XVI.

TRiump hat hodie ESSENDIA S. MARSI Reliquijs, ab OTTONE istius nominis *tertio Imperatore* isti loco donatis. Cui Religiosissimo Imperatori solemne fuit Diuorum multorum Ossa è tenebris in lucem, magnificâ pompâ transferre, prout & S. MARSI huius Lipsana urnæ ex auro tum subtilitate operis variatæque, tum gemmarum splendore visendæ, piè inseruit. *Ex tab. Essend.*

XVIII.

VPSALII in *Suecia* olim colebatur S. ERICVS *Martyr ex sanguine* B. RICHEZE *Rex: SUECIE, S. CHRISTINE maritus Patriæ & pauperum præcipuè pater: libidinis æstus glaciali aquâ suffocavit. Finlandiæ Victor fidem intalit. & contra SUENONEM Danie Regis Filium Cruce signatus, aperto campo confligens, Numine ita volente piè cecidit Per quietem pridie pugnæ hanc sibi vocem, ut fertur, audire visus est vis esse Martyr? cui ipse Amen reponendo annuit. An præsignificatio*

significatio, an pium somnium id fuerit, in medio relinquo; sanè Christi causa gloriose occubuit, & quo in loco sanguinem fudit, fons continuo exortus, aquas fundit agris passim salutare. Fast. Mar.

XIX.

PROPE REGIOMAGVM in Monte S. APOLLINARIS, memoria B. CVNONIS Ratisbonæ ad Istrum Episcopi, Præposituræ & Templi Montis B. Apollinaris munificentissimi Conditoris, qui mortalis vitæ usuram clausit anno Christiano M. C. XX. & æternam sibi beneficâ manu aperuit. Ex Fast. Gelen.

XXII.

SINZICHII a multis retrò seculis, CONSTANTINI MAGNI Festiva lux; qui postridie cum hostibus congressurus, intempestâ nocte ingentem & lucidam libero in æere CRUCEM felix VICTORIÆ portentum istic contemplatus est, quâ per legiones, ab aliferis prælatâ, hostes armis & simul idololatriâ exiit. Trophæi quoque uisæ illius in Cælo CRUCIS, loco ingens ad Rheni ripam, templum Crucis formam referens, CONSTANTINI Mater S. HELENA posuit; Decretum-

tūmque communibus votis est, ut fluvius campum victoriæ coronans, ARULÆ nomen ab aris novis Vbiorum, ibidem in memoriam S. Crucis ædificatis & à victorioso viso signo, oppidum SINSIG (ut fama obtinuit) nomen traheret, ac quotannis calitūs pugnatiprelij diem, gratâ Religione incolæ recolerent. *Ex Annal. Patrie.*

XXV.

AD fluvium ARNAPHAM, BERCHEMII Italiae pago, B. EGILHARDI Martyris Abbatis S. CORNELII ad INDAM Octavi, quem A. Christiano DCCCI. Normannorum impius gladius sustulit. Exstat eius nomini dicatum sacellum, bellorum cælique injurijs ferè collapsum in Silva prope Bolendorph, ipsius nomen S. Egilhard referens. *Ex Patrie Annalibus.*

XXVI.

MONS VETVS illustrium Animarum ferax, hodie S. LIVOLDO Diacono & S. CLEMATIO illustri Patritio, cum cælo applaudit, quorum consilio, labore, industria in tumulandis S. VRSULÆ SODALIBVS S. AQUILINVS præcipuè usus est. *Ex vind. Vrsulanis R. P. Hermanni Crombach Soc. IESV.*

XXIX.

XXIX.

DIETKIRCHII sancto agone migravit in cælum, illustri nata genere *Irmentrudis de Milendunck* eius loci *Antistita*, innocentiae, beneficentiae erga pauperes, ac reliquarum virtutum, dum vixit, luce radiare visa est. Inedia illi longa & constans, asserses lectulus; totaque in amore Dei ita erat, ut crebro suspiraret: *Deus meus & omnia. Deus se tibi, tu te Deo.* Morti vicina *Veni mi Iesu!* inquit, *dulcissime ut devincta tibi, à te nullâ aeternitate avellar.* Dixit & vixit. Tumulum proprio in Templo invenit. *Ex Necrologio.*

XXX.

ALVISGRANI in Monte S. SALVATORIS, Annua lux B. STEPPONIS Presbyteri, qui ita modestè, piè religiosèque versatus est, ut à DEO præcipuâ dote ad id munus delectus videretur, qui femineum sexum ad regularum perfectâ observantiam animaret, affirmabant (qui illum pernoverant) ipsum Deo semper adfuisse, ac velut in beata vita in terris versatum, omnibus omnia factum, insigni sibi commissarum animarum lucro, Vir qui *multum adificaret, destrueret nihil.* *Ex loci Necrologio.*

N 2

XXXI.

HEISTERBACVM *magnorum virorum sanctus* Ager, *gemina* hodie *producit virtutum Germina*, venerabilem HERMANNVM Abbatem & WILHELMVM Monachum (vti vocant) Conuersum, quorum primus magistratu admissò. demissione ac pietate omnibus charus fuit. Nunquam verbo minùs amabili aut perturbato, vllum alloqui est auditus: vino quoque ac belarijs nunquam aut raro usus. Alter mundo latere & soli patere DEO elegit, qui ipsi omnia erat, *Ex Fastis Gelenianis.*

IUNIVS.

II.

AQVISGRANI triumphus SS. PETRI *Exorcistæ* & MARCELLINI: quorum primus imperante Diocletiano, Artemij præfecti carceris filiam à Dæmone agitatã liberavit, eamq; cum vniuersa familiã ad S. MARCELLINVM perduxit, à quo & sacris undis abluti sunt. Quapropter à Diocletiani præfecto Sereno asperius castigati cum neque blanditijs, neque minis à recta fide declinantes, sed constantiores aduerteret, missos in carcerem, & pugnis contusos securi percuti